

II - ARABAKO LURRALDE HISTORIKOAREN TOKI ADMINISTRAZIOA

LAUDIOKO UDALA

“Sanrokeak 2020” XLI. kartel-lehiaketaren oinarriak

“Sanrokeak 2020” XLI. Kartel-lehiaketa egiteko oinarri hauek Laudioko Udaleko Tokiko Gobernu Batzarrak onartu ditu 2020ko maiatzaren 29an.

COVID-19aren ondoriozko osasun-alarma dela eta, Laudio Udalak bertan behera utzi behar izan ditu 2020ko Sanrokeen ohiko ospakizunak.

Hala ere, udan eta udazkenean jarduera kulturalak, jaiak eta aisialdikoak izan nahi ditugu udalerrian, gogoan ditugun urteroko Sanrokeak gogoan izateko helburuaz. Jaiak gure kulturaren parte dira, gure identitatearen zati, eta horrexegatik nahi dugu aurten ere audioar guztiok ideia horren inguruan elkartzea eta jai giroan bustitzea udal ekitaldi guztiak. Jaien egun esanguratsuenetan ekitaldi txikiak egingo dira, bizi dugun egoerari moldatuak.

Hori dela eta, Udalak kartel lehiaketa deitu du, gure jaien sua bizirik edukitzeko eta hain ezberdinak izango diren jai hauen ikur gisa erabiltzeko.

OINARRIAK

Lehenengoa. Laudion erroldatutako edozein pertsonak hartu ahalko du parte lehiaketan.

Bigarrena. Egile bakoitzak nahi beste kartela aurkeztu ahalko du (lelo desberdinekin), betiere, jatorrizkoak eta argitaratu gabeak badira eta ez badute saririk jaso lehenago. Teknika libre izango da.

Hirugarrena. Ez da onartuko irudi edota mezu sexista, xenofobo, arrazistak eta antzekoak dauzkan kartelik.

Laugarrena. Laudio Udalaren webgunean eskuragarri ipiniko den formularioa beteta aurkeztuko dira kartelak (www.laudio.eus). Nolanahi ere, elementu hauek eduki beharko ditu:

- Aurkeztutako lanaren leloa.
- Irudi fitxategia.

• Lana aurkeztu duen pertsonaren identifikazio eta kontaktu datuak (datu horiek Laudio Udaleko idazkari nagusiak baino ez ditu ezagutuko, eta ezin izango ditu jakitera eman lehiaketaren emaitza ebatzi arte).

- i. Izen-abizenak.
- ii. NAN/AIZ.
- iii. Jaiotze-data.
- iv. Helbide elektronikoa.
- v. Harremanetan jartzeko telefono zenbakia.

• Markatzea oinarri hauetan zehazten diren betekizun guztiak betetzen direla adierazteko laukitxoak.

Bosgarrena. Kartelaren irudia daukan fitxategi batean aurkeztuko dira lanak, JPG formatuan (Neurriak: 820 x 1171 pixel. Bereizmena: 72 pixel hazbeteko. Gehienezko pisua: 2 MB). Ezin izango dira sinatu, eta ezin izango dute eduki aurkeztu duen pertsonaren identitatea ezagutzeko aukera ematen duen elementurik.

Seigarrena. Irudian, kartela agertu beharko da 1000 mm x 700 mm formatuan (bertikalean).

Zazpigarrena. Hauek dira kartelean nahitaez agertu behar diren testuak:

SANROKEAK 2020 - LAUDIO/LLODIO

Laudioko armarri ofiziala ere ipini beharko da, Laudio Udalaren Kultura, Kirol eta Jai Zerbitzuan emango den eredu, zehazki. Udal webgunean ere eskuragarri dago eredu:

<http://www.Laudio/Llodio/Llodio.eus/es/ayuntamiento/logotipos>.

Zortzigarrena. Ekainaren 21a arte parte hartu ahalko da lehiaketan, egun hori barne.

Bederatzigarrena. Aurkezten diren obrak Udalaren jabetza izango dira, Udalak egokitzat jotzen duen erabilera eman ahalko die eta nahi duen lekuan eta unean ipini ahalko ditu.

Hamargarrena. Lehiaketa honetan parte hartzeak esan nahi du esanbidez onartzen direla zehaztutako baldintza guztiak eta bete egongo direla.

Hamaikagarrena. Deialdi honen kariaz sor litezkeen auzi guztiak Laudio Udaleko Kultura, Kirol eta Jai Zerbitzuaren eskumen eskusiboa dira.

Hamabigarrena. Lehiaketaren oinarriak ZUIN aldizkarian, udal webgunean eta Udalaren ohiko hedabideetan agertuko dira.

Hamahirugarrena. Saria.

Sari bakarra emango da: 1.000,00 euroko balioa duen bonu bat. Udalerriko saltoki desberdinetan erabili ahalko da bonua, 2020ko abenduaren 31 arte.

Saria irabazten duenari sarien gaineko atxikipenei buruz indarrean dagoen arautegian ebatzitako atxikipenak aplikatuko zaizkio.

Hamalagarrena. Irabazlearen nortasuna ZUIN aldizkarian, udal webgunean eta Udalaren ohiko hedabideetan argitaratuko da, eta Laudio Udalaren Kultura, Kirol eta Jai Zerbitzutik dei egingo zaio saria jasotzera joan dadin.

Hamabosgarrena. Epaimahai Teknikoko Kideak.

Laudio Udalak izendatuko du epaimahai tekniko, eta hau izango da osaera:

– Epaimahaiburua: Epaimahai teknikoaren buru izango da Laudio Udaleko Jaien zinegotzi delegatua, eta, berdinketa egotekotan, kalitatezko botoa emateko aukera izango du.

– Epaimahaikideak: Kide hauek boto bana izango dute:

– Artearen, pinturaren, diseinu grafikoaren edota argazkigintzaren munduarekin erlazionatutako bi audioar.

– Laudio Udalaren Hizkuntza Normalizazio eta Identitate Zerbitzuko teknikaria.

– Laudio Udalaren Berdintasun Zerbitzuko teknikaria.

– Idazkaritza: Kultura, Kirol eta Jai Arloko arduradunak idazkari-lanak egingo ditu, hitza izanda, baina bozkatzeko aukera barik.

Hamaseigarrena. Kartel irabazlea aukeratzeko prozedura.

Aukeratzeko prozedurak bi fase izango ditu:

1. fasea: Epaimahai teknikoak bigarren fasera pasako diren lanak aukeratuko ditu.

2. fasea: "Botoen" fasea izeneko honetan, gehienez, 100 puntu emango dira, honela banatuta:

– Epaimahai teknikoaren botoak: 50 puntu.

– Herritarren botoek 50 puntu balioko dute (webgunearen bidez nahiz horretarako boto-paperekin erabiliz bozkatu ahalko da).

Lehen Fasea. Epaimahai Teknikoak lanak alde zuzenetik aukeratzea.

Epaimahai teknikoak hautatuko ditu bigarren fasea igaroko diren lanak, kalitate eta originaltasun irizpideak aplikatuta eta indarrean dagoen legedia errespetatzen dela zainduta.

Aukeraketa sistema "lanek lan" bozkatzea izango da, bakoitzak hurrengo fasea igaro behar duen erantzunda. Bigarren fasea igaro ahal izateko, aurkeztutako obra bakoitzak gutxienez epaimahaikideen ehuneko 60aren boto positiboak jaso beharko ditu.

Epaimahaiak ez badu lanik aukeratzeko, lehiaketa hutsik geratuko da.

Lan bakarra aukeratzeko badu, lan horixe izango da irabazlea, bigarren faseko bozketara jo beharrik gabe.

Bigarren fasea. Bozketak.

– Epaimahai Teknikoaren bozketak (50 puntu). Epaimahaikide bakoitzak 10 puntu izango ditu, egoki irizten diren moduan banatzeko aukeraturako lanen artean. Epaimahaiak hartutako erabakia horrexetarako idatzitako aktan jasoko da, non lan bakoitzak lortu dituen puntuak azalduko diren.

– Herritarren Bozketak (50 puntu). Udal webgunearen bidez baino ezingo da bozkatu.

Bigarren fasea igarotzen diren lanak udal webgunean ikusgai ipiniko dira gutxienez 7 egun naturaleko epean, eta udal webgunean bertan eskuragarri egongo den formularioa erabilita bozkatu ahal izango da. Audioko udaletxean, Herritarrentzako Arreta Zerbitzuan, ordenagailu bat ipiniko da euren gailu pertsonaletatik udal webgunea atzitu ezin duten pertsonen obrak kontsultatu eta euren gustukoeneraren alde bozkatu ahal izan dezaten.

Sistema horren bitartez, dute udalerrian erroldatuak dauden eta NAN duten pertsonen baino ezingo dute bozkatu, betiere, formularioan azalduko diren baldintzen arabera.

Herritarren Bozketaren emaitza.

Behin bozketak prozesua bukatuta, epaimahai teknikoaren idazkariak botoak zenbatuko ditu eta 50 puntu esleituko dizkie karteiei, kartel bakoitzak lortu dituen botoekiko proportzionalki.

Epaimahaiak hartutako erabakia horrexetarako idatzitako aktan jasoko da, non lan bakoitzak lortu dituen puntuak azalduko diren.

Puntuak azken batuketara.

Bi aktak eskura dituztenean, hau da, herritarren bozketari dagokiona eta epaimahairen bozketari dagokiona, kartel bakoitzak fase bakoitzean lortu dituen puntuak batuko dira, eta irabazletzat aitortuko da puntu gehien lortu dituenak.

Berdinketarik izanez gero, epaimahai teknikoaren buruaren presidentearen kalitatezko botoak ebatziko du.

Horren guztiaren akta egingo da, zeinetan jaso egingo diren lan bakoitzak azkenean lortutako puntuak, lan irabazlearen leloa eta egilearen datuak. Orduan, kartel irabazlea publikoki iragarriko da.

Laudio, 2020ko maiatzaren 29a

Alkate-udalburua

ANDER AÑIBARRO MAESTRE